

AVISU DI L'ASSEMBLEA DI A GIUVENTÙ 2026-02

Rilativu à :

Raportu n°302 : Acquisition du manuscrit de la 'GIUSTIFICAZIONE' de Don Gregorio SALVINI

VU La lettre de saisine du 07 avril 2026 par laquelle Monsieur le Président du Conseil Exécutif de Corse sollicite l'avis de l'Assemblea di a Giuventù di a Corsica sur le rapport susmentionné,

CONSIDERANT l'article 30 du règlement intérieur de l'Assemblea di a Giuventù di a Corsica qui prévoit que « *Lorsque l'urgence où l'actualité le nécessitent, les commissions organiques peuvent être saisies pour émettre des avis à la demande de la Présidente de l'Assemblée de Corse ou du Président du Conseil exécutif. La Présidente de l'Assemblea di a Giuventù désigne à cet effet les commissions attributaires et précise les modalités selon lesquelles elles produiront leurs avis. Les présidents des commissions concernées en rendent compte à la prochaine réunion de la commission permanente ou de l'assemblée plénière* »,

CONSIDERANT la décision de Madame la Présidente de l'Assemblée de Corse, Présidente de l'Assemblea di a Giuventù, de saisir la commission « *Lingua, Cultura è Ambiente* » aux fins de produire un avis sur le sujet,

Après réunion de la commission organique « *Lingua, Cultura è Ambiente* » de l'Assemblea di a Giuventù di a Corsica, présidée par **Madame Angélique DEGIOVANNI**, le 16 avril 2026,

A Cumissione, « Lingua, Cultura è Ambiente » addunita in reunione u 16 d'aprile di u 2026, prununzia l'avisu chì seguita : Favurevule

A cummissione **SI RALLEGRA** di l'acquistu di u manuscrittu di a Giustificazione di Don Gregorio Salvini da a Cullettività di Corsica. Stu passu di a Giustificazione rimanda ad ogni colpi fatti da i Ghjenuvesi di pettu à i Corsi. Issu pezzu di storia face ribombu à l'attualità pulitica ch'è noi cunniscemu oghje nant'à u prucessu pè l'autonomia è tutti i colpi fatti da u Statu nanzu.

A cummissione **RICUNNOSCE** dinò a purtata simbolica, storica è pulitica di stu prughjettu d'acquistu. Stu manuscrittu raprisenta un testimone è un opera maiò di a storia intellettuale è pulitica di a Corsica, è partecipeghja à a trasmissione d'una memoria cullettiva essenziale.

Hè cusì ch'ella ripresenta un attu puliticu primurosù à prò di u nostru patrimoniu ch'è si scrive in una dimarchja di riacquistu è di valurizzazione di a storia di u populu corsu.

Aldilà di u so valore storicu ch'è palesa a lascita di l'epica di e rivoluzione corse, st'acquistu partecipeghja à a tramandera d'una memoria cullettiva purtendu i valori di libertà è di ghjustizia. A cummissione **SALUTA** un'azione forte ch'è face cresce a piazza di u patrimoniu ind'è l'azione publica, cuntribuiscendu à schjarì e sfide cuntempurane incù a nostra storia è l'indiatura di i puntelli di e rivoluzione corse. Integrendu stu documentu à u nostru patrimoniu publicu, a Cullettività di Corsica assicura a so brama di salvà i fundamenti intellettuali è pulitichi di a nazione corsa.

A cummissione **SALUTA** in particolare :

- L'interessu patrimoniale di st'acquistu, ch'è permette di fà entre in u duminiu publicu un documentu raru è fundatore di u penseru puliticu corsu.
- A dimensione educativa è culturale, ch'è offre una vera occasione di rinforzà a cunniscenza di a nostra storia trà e nove generazione.
- A cuerenza cù e pulitiche di valurizzazione di u patrimoniu, in particolare cù a so iscrizione à l'inventariu di u museu Pasquale Paoli.

Intantu, a cummissione **METTE** in risaltu a mancanza di precisazione nant'à a valurizzazione cuncreta : Hè vera ch'è u rapportu insiste assai nant'à a dimensione simbolica, ma ferma pocu precisu nant'à e mudalità pratiche di messa in valore (mediazione, accessibilità, numerizzazione, azione pedagogiche).

A cummissione **S'INTARRUGHEGHJA** dinò nant'à l'accessibilità pè a ghjuventù : Pare essenziale chì st'acquistu prufitti direttamente à a ghjuventù corsa, in particolare cù : strumenti pedagogichi adattati, prugetti in u mezu sculare è universitariu, una diffusione numerica più larga.

Ci tocca à mette in valore 'ssu manuscrittu è attraversu à ellu u patrimoni puliticu è storicu di a nostra nazione. In 'ssu sensu quì, a cummissione **CHJAMA** l'Esecutivu di Corsica à prupone un prugramma chì tocca à valorizà st'epica induve a Corsica era un esempiu di demucrazia è di prugressi per u mondu sanu. Valorizà è tramandà in Corsica per trasmette è salvà ciò ch'è no simu, valorizà è trasmette aldilà per prumove una nazione. A cummissione **RAMENTA** dinò l'impurtanza di mantene un equilibru trà l'investimenti patrimoniali è e sfide attuale (educazione, impiegu, ghjuventù).

Per rinforzà l'impattu di st'acquistu, a cummissione **PRUPONE** :

- A messa in piazza d'un prugramma pedagogicu territoriale in giru à a Giustificazione.
- A numerizzazione è a diffusione libera di u manuscrittu.
- L'urrganizzazione di cunferenze è attelli, in particolare pè a ghjuventù.

Pè compie, benchì a dimarchja di l'acquistu di u manuscrittu ùn hè micca cuntestata, a cummissione **S'INTARRUGHEGHJA** nant'à a tempuralità di a sullicitazione è di 'ssu raportu. Perchè dumandà l'avisu di a cummissione nant'à l'acquistu di 'ssu manuscrittu allora ch'ellu hè dighjà statu cumpratu da a Cullettività di Corsica ?

A cummissione 1 pruce un avisu favurevule à l'unanimità nantu à u raportu n°302 di u Cunsigliu Esecutivu di Corsica « Acquisition du manuscrit de la 'GIUSTIFICAZIONE ' de Don Gregorio SALVINI »

A Presidente di a Cummissione « *Lingua, Cultura è Ambiente* »

Angélique DEGIOVANNI